গণপ্রজাতন্ত্রী বাংলাদেশ সরকার তথ্য অধিদফতর বাংলাদেশ সচিবালয় ঢাকা।

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুতপূর্ণ নিবন্ধ ও ফিচারের সংক্ষিপ্তসার সংখ্যা-১৬৩/২০১৯-২০২০ ঢাকা ৯ ফেব্রুয়ারি রোববার ২০২০, ২৬ মাঘ ১৪২৬

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে

11	ইতালিতে চারদিনের সফর শেষে দেশে ফিরেছেন প্রধানমন্ত্রী
र।	আন্দোলনের নামে সহিংসতা হলে দীতভাঙা জবাব দেওয়া হবে : বিএনপির কর্মসূচির প্রেক্ষিতে সেতুমন্ত্রী
9 1	সভা-সমাবেশ করে খালেদা জিয়ার মুক্তি মিলবে না : তথ্যমন্ত্রী
31	বিএনপির প্রতিষ্ঠাতাই ক্ষমতায় গেছেন হত্যাযজের মাধ্যমে : ব্রাহ্মণবাড়িয়ায় আইনমন্ত্রী
۱ ځ	খালেদা জিয়ার সুচিকিৎসা নিশ্চিত করা হয়েছে : মানবাধিকার বিষয়ক আলোচনায় স্বরাষ্ট্রমন্ত্রী
৬ ।	জনতার চাহিদা অনুযায়ী কাজ করছে পুলিশ : ডিএমপির প্রতিষ্ঠাবার্ষিকীতে স্বরাষ্ট্রমন্ত্রী
٦ı	করোনাভাইরাস আঁতঞ্চে চীনে আটকে থাকা বাংলাদেশিদের
	প্রয়োজনীয় খাদ্যসামগ্রী সরবরাহ করা হচ্ছে : পররাষ্ট্রমন্ত্রী
ا ح	করোনাভাইরাস সংক্রমণ রোধে বিমানবন্দর ও স্থল বন্দরে পরীক্ষা জোরদার
اه	বায়োটেকনোলজির মাধ্যমে খাদ্যনিরাপত্তা নিশ্চিত করতে হবে : ঢাকা বিশ্ববিদ্যালয়ে কৃষিমন্ত্রী
001	বিশ্বব্যাপী পালিত হবে মুজিববৰ্ষ : অৰ্থমন্ত্ৰী
166	২০৩০ সালের মধ্যে কারিগরি শিক্ষায় ভর্তির হার ৩০ শতাংশে উন্নীত করতে চায় সরকার : শিক্ষামন্ত্রী
১২।	২০২৫ সালের মধ্যে ক্ষতিকর ইটভাটা বন্ধ করা হবে : সিলেটে পরিবেশমন্ত্রী
१००	অবৈধ নদী ও খাল দখলদারীদের কোনো ছাড় নেই : গোপালগঞ্জে পানি সম্পদ উপমন্ত্রী
186	যুব বিশ্বকাপ ক্রিকেটের ফাইনালে আজ ভারতের মুখোমুখি বাংলাদেশ

চলমান পাতা-২

১। ইতালিতে চারদিনের সফর শেষে দেশে ফিরেছেন প্রধানমন্ত্রী

প্রধানমন্ত্রী শেখ হাসিনা ইতালিতে চারদিনের সরকারি সফর শেষে দেশে ফিরেছেন। তিনি ইতালির প্রধানমন্ত্রী জিওসেপ কোঁতের আমন্ত্রণে সেদেশ সফর করেন। প্রধানমন্ত্রী এবং তাঁর সফরসঙ্গীদের নিয়ে এমিরেটস এয়ারলাইন্সের একটি ফ্লাইট গতকাল (৮ ফেব্রুয়ারি শনিবার) সকাল ৮টায় হযরত শাহজালাল আন্তর্জাতিক বিমানবন্দরে অবতরণ করে। সূত্র-ইত্তেফাক (পৃ.১,ক.৬), জনকণ্ঠ (পৃ.১,ক.৪), ইভিপেনডেন্ট (পৃ.২,ক.১)।

২। আন্দোলনের নামে সহিংসতা হলে দাঁতভাঙা জবাব দেওয়া হবে : বিএনপির কর্মসূচির প্রেক্ষিতে সেতুমন্ত্রী

সড়ক পরিবহণ ও সেতুমন্ত্রী ওবায়দুল কাদের বলেছেন, শান্তিপূর্ণ কোনো সমাবেশে আমরা বাধা দেব না। যদি সেখানে সহিংসতার উপাদান যুক্ত হয় আন্দোলন, সমাবেশ, বিক্ষোভের মাধ্যমে তাহলে সেটার দাঁতভাঙা জবাব দেওয়া হবে। গতকাল (৮ ফেব্রুয়ারি শনিবার) ধানমন্ডির আওয়ামী লীগ সভানেত্রীর রাজনৈতিক কার্যালয়ে ঢাকা মহানগরের অন্তর্গত দলীয় সংসদ সদস্য এবং ঢাকা উত্তর ও দক্ষিণ সিটি করপোরেশন নির্বাচনে বিজয়ী মেয়রদের সঞ্চো এক মতবিনিময় সভা শেষে তিনি এসব কথা বলেন। সূত্র-ইত্তেফাক (শেষ পৃ.,ক.৫), জনকণ্ঠ (পৃ.১,ক.১), অবজারভার (পৃ.১,ক.৮)।

৩। সভা-সমাবেশ করে খালেদা জিয়ার মুক্তি মিলবে না : তথ্যমন্ত্রী

তথ্যমন্ত্রী ড. হাছান মাহ্মুদ বলেছেন, সভা সমাবেশ করে বেগম খালেদা জিয়ার মুক্তি মিলবে না, বরং বিএনপির এ দাবিতে সমাবেশ আইন-আদালতের প্রতি বৃদ্ধাঞ্চালি প্রদর্শন। গতকাল (৮ ফেব্রুয়ারি শনিবার) রাজধানীতে জাতীয় প্রেসক্লাবে 'জাতির পিতার জন্মশতবার্ষিকী ও মুজিববর্ষ' উপলক্ষে আলোচনাসভায় প্রধান অতিথির বক্তৃতায় তিনি একথা বলেন। সূত্র-ইত্তেফাক (পৃ.২,ক.১), সমকাল (পৃ.১৫,ক.১), ইভিপেনডেন্ট (পৃ.৩,ক.২।

8। বিএনপির প্রতিষ্ঠাতাই ক্ষমতায় গেছেন হত্যাযজ্ঞের মাধ্যমে: ব্রাহ্মণবাড়িয়ায় আইনমন্ত্রী

আইনমন্ত্রী আনিসুল হক বলেছেন, বিএনপি যিনি প্রতিষ্ঠা করেছিলেন, তিনিই ক্ষমতায় গেছেন হত্যাযজ্ঞ ও বন্দুকের নলের মাধ্যমে। তিনি বলেন, বর্তমান সরকার গণতান্ত্রিকভাবে নির্বাচিত সরকার এবং জনগণের ভোটে নির্বাচিত সরকার। বর্তমান সরকার জনগণের পাশে আছে এবং থাকবে। গতকাল (৮ জানুয়ারি শনিবার) ব্রাহ্মণবাড়িয়ার কসবা উপজেলা আওয়ামী লীগের বর্ধিত সভায় তিনি এসব কথা বলেন। সুত্র-সমকাল (পৃ.১৫,ক.৫), ইত্তেফাক (পৃ.২,ক.৩), ইন্ডিপেনডেন্ট (পৃ.২,ক.৭)।

খালেদা জিয়ার সুচিকিৎসা নিশ্চিত করা হয়েছে : মানবাধিকার বিষয়ক আলোচনায় স্বরায়্রয়য়্রী

স্বরাষ্ট্রমন্ত্রী আসাদুজ্জামান খান কামাল বলেছেন, বিএনপি চেয়ারপারসন খালেদা জিয়াকে প্রথম শ্রেণির বন্দি হিসেবে সুচিকিৎসায় মেডিক্যাল বোর্ড সার্বক্ষণিক নিশ্চিত করা হয়েছে। কারাগারে তাঁকে সর্বোচ্চ চিকিৎসা দেওয়া হচ্ছে। স্বরাষ্ট্রমন্ত্রী বলেন, তাঁর শরীরের কথা চিন্তা করে বঙ্গাবন্ধু শেখ মুজিব মেডিক্যাল বিশ্ববিদ্যালয়ে দীর্ঘদিন রেখে চিকিৎসা করানো হচ্ছে। তাঁর জন্য নির্দিষ্ট মেডিক্যাল বোর্ডও করা হয়েছে। গতকাল (৮ ফেব্রুয়ারি শনিবার) রাজধানীর ইন্টারকন্টিনেন্টাল হোটেলে মানবাধিকার সুরক্ষা শীর্ষক এক অনুষ্ঠানশেষে সাংবাদিকদের প্রশ্নের জবাবে তিনি এসব বলেন। সূত্র-ইত্তেফাক (পৃ.২,ক.৫), জনকণ্ঠ (পৃ.৩,ক.৪), অবজারভার (পৃ.২,ক.১)।

৬। জনতার চাহিদা অনুযায়ী কাজ করছে পুলিশ: ডিএমপির প্রতিষ্ঠাবার্ষিকীতে স্বরাষ্ট্রমন্ত্রী

স্বরাষ্ট্রমন্ত্রী আসাদুজ্জামান খান কামাল বলেছেন, পুলিশ নিজেদের সক্ষমতা বৃদ্ধি করে জনতার চাহিদা অনুযায়ী কাজ করে যাচ্ছে। তিনি বলেন, ঢাকা হলো সারা বাংলাদেশের প্রতিচ্ছবি। ঢাকা শহর নিয়ন্ত্রণ করতে পারলেই সারা বাংলাদেশ নিয়ন্ত্রণ করা যায়। তাই ঢাকা মেট্রোপলিটনের বিভিন্ন ইউনিট ডেভেলপ করা হয়েছে। গতকাল (৮ ফেব্রুয়ারি শনিবার) রাজধানীর রাজারবাগ পুলিশ লাইন্সে ডিএমপির ৪৫তম প্রতিষ্ঠাবার্ষিকী উপলক্ষে আয়োজিত অনুষ্ঠানে তিনি এসব কথা বলেন। সূত্র-ইত্তেফাক (শেষ পূ.,ক.১), জনকণ্ঠ (পূ.১,ক.৮), ডেইলি সান (পূ.২,ক.৫)।

৭। করোনাভাইরাস আতঙ্কে চীনে আটকে থাকা বাংলাদেশিদের প্রয়োজনীয় খাদ্যসামগ্রী সরবরাহ করা হচ্ছে: পররাষ্ট্রমন্ত্রী

চীনে আটকে থাকা বাংলাদেশিদের সম্পর্কে পররাষ্ট্রমন্ত্রী ড. এ কে আব্দুল মোমেন বলেছেন, যারা এখন চীন থেকে আসতে চাচ্ছেন, তাদের জন্য আমরা অনেক খরচ করেছি। চেষ্টা থাকলেও চীন থেকে ১৭১ জন বাংলাদেশিকে দেশে ফিরিয়ে আনা সম্ভবপর হচ্ছে না। চীনের ২৩টি জায়গায় বাংলাদেশিরা থাকে, সবগুলো জায়গায়ই খাবার, পানি সময়মতো যাছে। গতকাল (৮ জানুয়ারি শনিবার) সোনারগাঁও হোটেলে এক অনুষ্ঠানে সাংবাদিকদের তিনি এসব কথা বলেন। সূত্র-সংবাদ (পৃ.১,ক.৮), ইত্তেফাক (শেষ পৃ,ক.৮), অবজারভার (পৃ.১,ক.২)।

৮। করোনাভাইরাস সংক্রমণ রোধে বিমানবন্দর ও স্থল বন্দরে পরীক্ষা জোরদার

চীন ফেরত যাত্রীদের অযথা উদ্বিগ্ন না হয়ে যে কোনো প্রশ্নের উত্তরের জন্য আইইডিসিআর হটলাইনে ফোন করার অনুরোধ করা হয়েছে। অপর দিকে করোনাভাইরাস প্রতিরোধে দেশের নৌ-বিমানবন্দরে স্থাস্থ্য অধিদফতরের রোগ নিয়ন্ত্রণ শাখার বিশেষজ্ঞ টিম আধুনিক যন্ত্রপাতি দিয়ে পরীক্ষা-নিরীক্ষা করছেন। মহাখালী রোগতত্ব, রোগ নিয়ন্ত্রণ ও গবেষণা ইনস্টিটিউটের (আইইডিসিআর) পরিচালক প্রফেসর ডা. মীরজাদী সেব্রিনা ফ্লোরা সাংবাদিকদেরকে বলেন, করোনাভাইরাস সংক্রমণ প্রতিরোধ ব্যবস্থা জোর দেয়ার নির্দেশ দেয়া হয়েছে। সূত্র- সংবাদ (পৃ.১,ক.৮), যুগান্তর (শেষ পৃ.,ক.২), বাংলাদেশ টুছে (পৃ.১,ক.২)।

৯। বায়োটেকনোলজির মাধ্যমে খাদ্যনিরাপত্তা নিশ্চিত করতে হবে : ঢাকা বিশ্ববিদ্যালয়ে কৃষিমন্ত্রী

বায়োটেকনোলজির যথাযথ ব্যবহারের মাধ্যমে দেশের মানুষের পুষ্টি ও খাদ্যনিরাপত্তা নিশ্চিত করার কথা বলেছেন কৃষিমন্ত্রী ড. আব্দুর রাজ্জাক। গতকাল (৮ জানুয়ারি শনিবার) ঢাকা বিশ্ববিদ্যালয়ে বায়োটেকনোলজি বিষয়ক তিন দিনব্যাপী আন্তর্জাতিক সম্মেলন অনুষ্ঠানে প্রধান অতিথির বক্তৃতায় তিনি এ কথা বলেন। তিনি বলেন, দেশে পর্যাপ্ত খাদ্যশস্য, শাকসবজি ও ফুল উৎপাদনের লক্ষ্যে টিস্যু কালচার ল্যাব আধুনিকায়নের ওপর গুরুত্বারোপ করতে হবে। ক্ষুধা ও দারিদ্রামুক্ত বাংলাদেশ গড়তে সরকার এরই মধ্যেই কার্যকর উদ্যোগ গ্রহণ করেছে। সুত্র-বিশিক বার্তা (পৃ.২,ক.৮), যুগান্তর (পৃ.২,ক.৫)।

১০। বিশ্বব্যাপী পালিত হবে মুজিববর্ষ : অর্থমন্ত্রী

মুজিববর্ষ পালনের ক্ষেত্রে বাংলাদেশ স্বাগতিক দেশ (হোস্ট কান্ট্রি) হলেও এটি বিশ্বব্যাপী পালিত হবে। গতকাল (৮ ফেব্রুয়ারি শনিবার) রাজধানীর একটি হোটেলে দক্ষতা উন্নয়ন প্রতিযোগিতার নিবন্ধন শুরু উপলক্ষে আয়োজিত অনুষ্ঠানে এ কথা বলেন অর্থমন্ত্রী আ হ ম মুস্তফা কামাল। এ সময় অর্থমন্ত্রী বলেন, মুজিববর্ষ উপলক্ষে যুবকদের দক্ষতা উন্নয়নে অনেকগুলো প্রকল্প হাতে নেওয়া হয়েছে। বাংলাদেশের কর্মীরা কাজে খুবই দক্ষ। তাদেরকে একটু সুযোগ করে দিলেই তারা অনেক ভালো করতে পারে। অর্থমন্ত্রী আরো বলেন, চতুর্থ শিল্প বিপ্লবে সব কিছুর পরিবর্তন আসবে প্রযুক্তির মাধ্যমে। এতে বাংলাদেশের সগৌরব উপস্থিতি থাকবে। শতভাগ মানুষকে যথোপযুক্ত দক্ষতার আওতায় আনতে হবে। সূত্র-ইত্তেফাক (পূ.১৫,ক.১)।

১১। ২০৩০ সালের মধ্যে কারিগরি শিক্ষায় ভর্তির হার ৩০ শতাংশে উন্নীত করতে চায় সরকার : শিক্ষামন্ত্রী

শিক্ষামন্ত্রী ডা. দীপু মনি বলেছেন, সাটিফিকেটসর্বস্ব শিক্ষা আমরা আর চাই না। কারিগরি শিক্ষায় যেন অধিকসংখ্যক শিক্ষার্থী শিক্ষিত হয়ে স্বাবলম্বী হতে পারে, উদ্যোক্তা হতে পারে, সে লক্ষ্যে নানা পরিকল্পনা নিয়েছে সরকার। গতকাল (৮ জানুয়ারি শনিবার) খুলনার রূপসা সরকারি বঞ্চাবন্ধু কলেজের এক অনুষ্ঠানে প্রধান অতিথির বক্তৃতায় তিনি এসব কথা বলেন। শিক্ষামন্ত্রী বলেন, সরকার শিক্ষার মানোন্নয়নের মাধ্যমে জনসংখ্যাকে জনসম্পদে পরিণত করতে শিক্ষায় বিনিয়োগ ব্যাপক বাড়িয়েছে। বর্তমানে কারিগরি শিক্ষায় ভর্তির হার ১৭ শতাংশ। ২০৩০ সালের মধ্যে তা ৩০ শতাংশে উন্নীত করতে চায় সরকার। সুত্র-সমকাল (পৃ.২,ক.১), যুগান্তর (পৃ.৩,ক.২), ডেইলি সান (পৃ.২,ক.২)।

১২। ২০২৫ সালের মধ্যে ক্ষতিকর ইটভাটা বন্ধ করা হবে : সিলেটে পরিবেশমন্ত্রী

পরিবেশ, বন ও জলবায়ু পরিবর্তনবিষয়ক মন্ত্রী মো. শাহাব উদ্দিন বলেছেন, ২০২৫ সালের মধ্যে পরিবেশের জন্য ক্ষতিকর সব ইটভাটা বন্ধ করে দেওয়া হবে। প্রধানমন্ত্রীসহ সরকারের সংশ্লিষ্ট দপ্তর সম্মতি দিয়েছে এবং রাষ্ট্রপতি এ বিলে স্বাক্ষরও করেছেন। আগামীতে সরকারি সব স্থাপনায় ব্লক ইট ব্যবহার করতে হবে। তিনি বলেন, ভাটায় পোড়ানো ইট পরিবেশের জন্য খুবই ক্ষতিকর। ইটভাটার কারণে ফসলি জমি দিন দিন নষ্ট হচ্ছে। পরিবেশের ব্যাপক ক্ষতি হচ্ছে। তাই এখন থেকে সবাইকে পরিবেশবান্ধব ব্লক ইট ব্যবহারের চেষ্টা করতে হবে। গতকাল (৮ জানুয়ারি শনিবার) সিলেটের জৈন্তাপুরের হরিপুরের বাঘেরখালে পরিবেশবান্ধব ব্লক ইট (ইকো ইট) ইন্ডাস্ট্রের উদ্বোধন অনুষ্ঠানে প্রধান অতিথির বক্তব্যে তিনি এসব কথা বলেন। সূত্র-সমকাল (পৃ.৩,ক.৮), নিউ নেশন (পৃ.৩,ক.২)।

১৩। অবৈধ নদী ও খাল দখলদারীদের কোনো ছাড় নেই : গোপালগঞ্জে পানিসম্পদ উপমন্ত্রী

পানিসম্পদ উপমন্ত্রী এনামুল হক শামীম বলেছেন, অবৈধ নদী ও খাল দখলকারীদের ব্যাপারে কোনো ছাড় নেই। তাদের উচ্ছেদের জন্য সর্বোচ্চ ব্যবস্থা গ্রহণ করেছি। জেলা প্রশাসকের নেতৃত্বে প্রত্যেকটা জেলায়ই একটি করে শক্তিশালী অবৈধ নদী ও খাল দখলদার উচ্ছেদ কমিটি করা হয়েছে। গতকাল (৮ ফেব্রুয়ারি শনিবার) গোপালগঞ্জ থেকে জাতির পিতা বজ্ঞাবন্ধু শেখ মুজিবুর রহমানের টুজ্ঞাপাড়া গ্রামের বাড়ি যাওয়ার নৌ-রুট খননের কাজ পরিদর্শন শেষে গোপালগঞ্জ সদর উপজেলার কুশলী গ্রামে সাংবাদিকদের তিনি এসব কথা বলেন। সূত্র-ইত্তেফাক (পৃ.৬,ক.৫)।

১৪। যুব বিশ্বকাপ ক্রিকেটের ফাইনালে আজ ভারতের মুখোমুখি বাংলাদেশ

যুব বিশ্বকাপ ক্রিকেটের ফাইনালে আজ ভারতের মুখোমুখি হচ্ছে বাংলাদেশ। ১৩তম যুব বিশ্বকাপের ফাইনাল ম্যাচটি আজ (৯ ফেব্রুয়ারি রোববার) দক্ষিণ আফ্রিকার পচেফস্ট্রুমে শুরু হবে বাংলাদেশ সময় দুপুর ২টায়। সূত্র-সংবাদ (পৃ.১,ক.৬), ইন্ডিপেনডেন্ট (পৃ.১২,ক.১)।

সম্পাদকীয়

- ক. **ইভেফাক**: মাসব্যাপী ব্যাপক উদ্দীপনার সাথে একুশে গ্রন্থমেলা চলছে উল্লেখ করে নতুন নতুন বই প্রকাশের মাধ্যমে মেলা আরও সমৃদ্ধ হবে বলে প্রত্যাশা ব্যক্ত।
- খ. **জনকণ্ঠ**: ঢাকাকে বাঁচাতে দখলদারদের হাত থেকে খালগুলো উদ্ধার করে পুনর্খনন করার ওপর গুরুতারোপ।
- গ. যুগান্তর: করোনাভাইরাস প্রতিরোধে প্রস্তুতিমূলক বিভিন্ন কার্যক্রম গ্রহণ করা হলেও তা যথেষ্ট নয় বলে মন্তব্য করেছেন বিশেষজ্ঞরা উল্লেখ করে করেনাভাইরাস সম্পর্কে দেশবাসীকে সচেতন করার পাশাপাশি প্রতিরোধ ও চিকিৎসা সংক্রান্ত সব ধরনের প্রয়োজনীয় পদক্ষেপ নেওয়ার সুপারিশ।
- সমকাল: দালালচক্রের অপতৎপরতায় বুনাইয়ের শ্রমবাজারে বিরূপ প্রভাব পড়েছে উল্লেখ করে নতুন শ্রমবাজার
 সন্ধানের পাশাপাশি বুনাইয়ের শ্রমবাজার অক্ষুণ্ণ রাখতে সব ধরনের প্রচেষ্টা চালানোর ওপর গুরুত্বারোপ।
- **ঙ. বণিক বার্তা** : ভেজাল ও ঝুঁকিপূর্ণ খাদ্য গ্রহণ ও পরিবেশ দূষণের কারণে দেশে ক্যান্সার আক্রান্তের সংখ্যা বাড়ছে উল্লেখ করে এ অবস্থা নিরসনে সামাজিক সচেতনতা বৃদ্ধি ও খাদ্যাভ্যাস পরিবর্তন জরুরি বলে মত প্রকাশ।
- চ. ভোরের কাগজ: তথ্য ও যোগাযোগ প্রযুক্তি বিভাগ পরিচালিত কর্মসূচির আওতায় নাগরিকদের জরুরি প্রয়োজনে পুলিশ, ফায়ার সার্ভিস ও অ্যাম্বুলেন্স সার্ভিস প্রদানের জন্য ৯৯৯ জরুরি কলসেবা কার্যক্রম বেশ সাফল্য পেয়েছে উল্লেখ করে এ ধারা অব্যাহত রাখতে ৯৯৯ এর প্রযুক্তিগত যাবতীয় সীমাবদ্ধতা দূর করতে সর্বাত্মক পদক্ষেপ নেওয়ার ওপর গুরুত্বারোপ।
- **ছ.** নিউ এজ : বিভিন্ন স্কুল, কলেজ, বিশ্ববিদ্যালয়ে র্যাগিং বন্ধে হাইকোর্টের রায়ের যথাযথ বাস্তবায়ন করার দাবি।
- জ. **ডেইলি সান** : দেশে নারী নির্যাতন বেড়েই চলছে উল্লেখ করে নারীদের সহায়তার জন্য বেশি করে নারী পুলিশ নিয়োগের সুপারিশ।

উপ-সম্পাদকীয়

ইন্তেফাক পত্রিকায় প্রকাশিত কলামে উল্লেখ করা হয়েছে, বিশ্ব বাজারে বাংলাদেশের গার্মেন্টস শিল্পের মতো অদূর ভবিষ্যতে ওষুধশিল্পও প্রাধান্য বিস্তার করবে।

নিবন্ধ ও ফিচারেই

ইত্তেফাক পত্রিকায় প্রকাশিত 'পলিথিন ও প্লান্টিকের ব্যবহার কেন বন্ধ করবেন' শিরোনামের নিবন্ধে উল্লেখ করা হয়েছে, আমাদের উচিত প্লান্টিক জাতীয় পদার্থ বর্জন করা, আইনের যথাযথ প্রয়োগের মাধ্যমে প্লান্টিক জাতীয় দ্রব্যের ব্যবহার সীমিত করা ও পাটজাত দ্রব্যের যথাযথ ব্যবহারের মাধ্যমে পাট শিল্পকে পুনরায় জাগিয়ে তোলা।

#

ডালিয়া/সেলিনা/মরজিনা/সাঈদা/মাসুম/খোরশেদ/২০২০/৯.০০ঘন্টা